

Zolai Tongphan:

Awmung Nih Kithuap le Pawfi Zatna

(The Use of the Double Vowel and the Apostrophe)

By Taang Zomi

1. Tu laitak manlah pian ka hih manin, July kha sungin, kei' ngaihsutna, a sau zaw deuh-a, k'ong gelh zawh na'ng, hong hanciam ning.

2. Awmung Kithuap (Double Vowel) Zatna:

Awmung nih kithuap pen aw a sau lahna-in kizangh hi.

Thumaanna = Truthfulness

A kitelkhal thei kha ding munte-ah awmung kithuap (double vowel) zat ngam lah loh ding, ahi hi.

“Nargis huhau-a neek ding nei lote, an le tui ka ka va piak uh leh, a lungdam mahmah **kei** uh hi.” (awmung [e] khat bek = [e].)

Lungdam lo uh, a ci suak hi.

“Nargis huhau-a neek ding nei lote, an le tui ka ka va piak uh leh, a lungdam mahmah **keei** uh hi.” (awmung [e] kithuap = [ee].)

Lungdam uh, a ci suak hi.

3. Pawfi (Apostrophe) zatna:

Pawfi pen:

3.1 Neihsa lahna-in kizangh hi.

Kei inn

“Kei” le “inn” a cihna suak thei. Kisaina om lo.

Kei ii inn = nga ih ein = nga-ih-ein = (ငါ ၵါ အိမ်)

Inn khat om. Tua inn a neipa pen kei.

Kei' inn = ngah ein = ngah-ein = (ငါ့ အိမ်)

Kei ii inn = Kei' inn

(“ii” taangin pawfi kizangh.)

3.2 Laimal (letter) a'ihke'h kammal (word) taangin kizangh hi.

“Amah thumang hi.” (He is obedient.)

“Ama' thuman'na pen hoih mahmah hi.” (His obedience is very good.)

Hih mun-ah pawfi pen laimal “g” taangin kizangh hi.

“Ama' thumangna pen hoih mahmah hi,” kici lo-in, “Ama' thuman'na pen hoih mahmah hi,” kici hi.

Tedim Labu La #340 “Ciamna Kip Thupha” (Blessed Assurance) Dawng #2 le Dawng #3 khawng khat-ah “Thumanna” kammal om hi. Mi tampi tak in, “thumaanna” sa kha uh hi. A Manglai-ah i et ciangin, Truth, Honesty, Truthfulness, Faithfulness, Justice cih kammalte na om lo-in Submission na om hi. Tua ahih manin, “thumanna” ci-a a kiletkhia pen “thumaanna” hi lo-in, “thuman'na” (submission; obedience) na hi zaw hi. “Thumang” pan-a hong pai, ahi hi. ZCLS in 2001 kum-a hong khet kikna-ah a thulu pen “Lungmuanna Thupha” hong ci uh-a, “perfect submission” pen “ki-ap siang ta ing,” ci-in hong puahpha uh-a, kitel zaw hi. (Tu-a kei' zat dan bang hi leh “Lungmuang” pan-a hong pai ahih manin, “Lungmuan'na Thupha” cih ding ahi hi. Ahi zongin “Lungmuanna Thupha” i cih zong, tel loh nading om tuan saam lo hi.)

4. Coach le Mentor vai pen, tu laitak, ngaihsun man nai ke'ng.

5. Lawmte pawlkhat in Tedim Lai Siangtho (Puahphatna, 2004) pen bulpuh ding hoih hi, a cih uh tawh kisai-in, kei' ngaisutna, mai lam-ah hong gelh ning.

----- Original Message -----

From: Jhum <j_h_care@yahoo.com>

To: blessedzomi@yahogroups.com

Sent: Tuesday, June 24, 2008 11:57 PM

Subject: [ZOGAMNET] Zolai gelh zia dotna

Lawmte,

zolai in a nuai a te bang ci igelh tam? Hong kuppil dih ve vua.

Thumanna (thuman'na)? ; truthfulness

thumanna: thuma'nna?; obedience

mentor:

coach:

John Hum